

學陰

垂虹亭

憑虛沒竦逼人寒  
中有危亭百尺寬  
天接水腰呈絕景  
風回帆脚漲狂瀾  
半篙落日吟將就  
一抹晴烟画六難  
不是酒杯今日窄  
直須邀月上欄干

古徐朱南杰

舟行過平江

蹤跡平生馬步遊  
功名外物等虛舟  
不多飲酒常成醉  
自在吟詩祇解愁  
已幸一帆離錫邑  
更

寬西日到杭州晚來忽見盤門塔疑是西湖大  
佛頭

楓橋灣酒家有楓橋千古壑波光之句  
用韵以犯所見

楓橋酒味勝官坊隨分紅裙取次粧月照下圓  
新氣象僧閑不減旧風光一橋地勢橫分水兩  
岫人家競採桑惟有塔鈴太多管笑人來徃自  
訂端

出嘉興

舟出嘉禾五里城僧樓山塔互崢嶸酒旗密比

隨風舞漁網橫拖漾日晴画舫貴人帆去穩草  
衣遊女着來輕山歌已接長河堰到得臨平月  
又明

過長河堰

帆指長河風力微漁舟箇箇有魚歸一声水際  
笛三弄几处梅边竹四圍桑伐遠揚蚕事熟花  
消濃艷柳綿飛西湖只在錢塘外又見孤山梅  
子肥

同劉明山遊湖邊作

誰立西湖造化功峯分南北境相通四時風物

絃歌裏兩岸人家  
畫中堤柳送迎  
忘尔汝棹  
声来徃自西東  
風波便作恩波  
看此樂君王与  
我同

同陳明并遊湖作

四月湖邊冷若秋  
先賢堂下繫扁舟  
山頭積翠  
来新意波面飄紅  
憶旧遊無奈楊花  
欺倦客已  
多荷葉護輕鷗  
堤邊誰道春歸了  
犹有一声黃  
栗苗

和吳嶼岵韻

春回筆底露潛机  
為怯高吟且遜肥  
又見半鞭

春到日羞披鶉結  
旧来衣雪隨着處  
分單厚梅  
不閑人自密  
稀歸計商量今始定  
樂哉心事看  
雲飛

春日呈嶼岵

朝来慚愧又逢春  
總把官身換客身  
堤柳未歸  
新氣象  
總梅犹帶日精神  
村居半落誰活我吏  
醉清閒却笑人打疊  
故書排日去一樽  
随意踏  
芳塵

南園不与昔時同  
絲豆規模十里通  
万石倚山  
如踞席一亭跨水  
似垂虹  
虛堂旧占梅边月  
曲

徑新添竹外風詩料滿前吟不尽生人樽酒未  
應空

壽實齋侍郎王先生

崧高維嶽誦生申整頓乾坤屬旧臣天下安危  
關出處性中存養自真純便歸紫橐酬公論已  
草黃麻授正人天為皇家錫難老願將霖雨福  
斯民

七夕呈坐間諸友時苗平江宿和靖書

院次日

葉已鳴秋夜漸長年一織女會牛郎龍梭暫歇

七襄駕雲袖輕飄百和香輸我晚涼和月飲任  
渠明發渡河忙要知工巧元无用樂得身閑拙  
不妨

和吳梅菴同登白龍對月韻

秋容滿目帶微寒帆穩蘭舟駕碧瀾照我湖光  
天共色襲人花氣露初乾笑談紅袖日中舞驚  
動蒼龍水底蟠鼠是一清無着處却慚狼籍草  
杯盤

餞徐衍道知縣

事業文章屬當家办游餘地宰金沙挽回凶歲

作豐稔安集流民絕歎嗟兩載秋霜威盜賊一  
犁春雨沃桑麻寬民實意言難盡勝種河陽滿  
縣花

饒海鹽史後樂

秦溪邑大号難治後樂三年以德為海濶有樓  
還日現堂深無日不新詩虛舟祇載來時物實  
惠常教去後思桐業真傳公不忝蒼生况是望  
霖時

朱知鎮戒服警盜不憚雪夜酒庫在鎮  
外不得与戲呈

戎裝元不礙儒冠盜賊潛窺膽自寒金鼓聲聞  
三里外旌旗影庇四民安肯從叶力多君子愧  
不同盟是酒官和氣釀成年可卜曉來喜見雪  
漫：

除夜懷刘明山為坑司幹官 丁未

失脚糟丘又一春歲除牢落頗闕情誰家不換  
桃符句比屋相聞竹爆声旧友未知能鑄冶新  
年宜入孰陶成來朝無甚人交往樂得鼾睡  
到明

夜坐書懷

挑灯看徹後村詩，忽尔憧憧百所思。  
不待人言已知錯，要知公定盍如斯。  
但求甘旨安無事，浪說榮華自有時。  
倒指新筍當已熟，且煨函芋一中之。

曉發嘉興府

曉發嘉興府，人家門未開。  
閘閩船側過，水漲堰平推。  
濃綠暗官柳，肥紅綻野梅。  
城中簫鼓發，知是使君回。

再過吳江縣

寺滿吳江縣，鐘聲兩岸分。  
買魚嫌少室，沽酒欠

文君平地橋，邊浪無心嶺。  
外雲篙人添德色，為策過湖勳。

泊崇德

堰未極長湖，先從古縣過。  
詩舟尋旧岸，酒市鬻新歌。  
傍水人家密，依山僧寺多。  
夷犹覓未足，無奈月明何。

東新橋值雪

間闕入帝鄉，飛雪斷飢腸。  
天地皆明白，山川忽老蒼。  
柳眉遮旧影，梅額上新粧。  
客裏急先務，湖邊問短航。

甲辰入京春深犹雪和吳嶠岵二絕

歲事客裏過今年抵去年甘貧長寂、知己孰  
拳、花艷卑崇帳江流美祖鞭家山芳意動野  
騎盡言還

掀髯論時事莫問是非綠句自池邊得青楊柳  
外歸夜深嫌鬱酒春淺怯單衣門巷雪撩亂祇  
頭且掩扉

富民犯米四十字以喻之

被此有人心人心即訟庭初無深利害倒自費  
調停私意生荆棘公家有典刑落便宜是益座

右可刊銘

孤山觀梅

費盡年、造化功精神全在雪霜中一枝映帶  
總前月消得逋仙作主翁

陳梅隱求詩

早歲走江湖那堪又歲除隱梅非活計行李盡  
寧居自有珠玑集不携朝貴書酬君無好語索  
笑漫躊躕

林竹翁求跋

何物耐交情林翁竹借名霜嚴不敢操風勁鎮

長清袖裏森珠玉，胷中富甲兵。江湖莫相笑，已播逸民聲。

書考 戊申春

人說宦遊好，元來是險途。不親真利害，難話細工夫。下考初書一，中心有愧無官卑。何展布三載且糊塗。

劉直孺示拙逸詩編且命著語

拙是愚中來，逸與怠相比。限界固分明，差忒亦容易。人心自有机，天下本無事。更參大學章，終始一誠意。

尹樓岩久留華亭

風雷昨夜揭，總紗未信樓。岩不憶家，和靖山頭春到了。莫因尋雀負梅花。

攝事華亭歸舟口占

挈來司市正花時，補陋支傾費品題。頽影自慚身是客，片帆又逐曉風西。

延陵道中即事三絕

筍輿取道自吳干，東作村々喜一般。已拜勸農田峻賜，墾租何似放令寬。

人家密簇近溪旁，旧袂青裙競採桑。相喚相呼



相效息繭絲歲：為官忙

小立青帘賣酒家味雖薄，勝空茶今年春滿  
疎籬外數朵輕紅出杏花

題吳梅庵和靖索句圖

童寒宿冷雪霏，正是先生得句時一段孤清  
圖不尽梅花從此厭人詩

入京

客懷醉殺也醒：昨夜思家夢几驚道阻且長  
無信息只將喜鵲驗安平

橫林遇雨

斷、當、驚、師、到、錫、山、片、雲、尼、我、竹、林、間、短、蓬、展、轉  
渾、無、寐、祇、聽、郵、鈴、去、復、還  
雨、濕、梳、竿、風、颭、帆、不、禁、蓬、漏、滴、衣、單、蒼、頭、更、說  
無、眠、處、始、信、人、生、行、路、難

自庫入鎮十二里皆山徑邗侯以馬相  
招道間口占問梅

蹇驢突兀萬山間欲雨還晴雪又慳一路梅花  
尋不見多應開向小溪灣

豈敢言詩聊以紀時固不止是錄其  
可以示人者淳祐戊申中和節南杰

書於澱川酒邊

淡江大學圖書館藏  
民國三十三年六月

淡江大學圖書館藏  
民國三十三年六月

淡江大學圖書館藏  
民國三十三年六月

淡江大學圖書館藏  
民國三十三年六月



國家圖書館, NATIONAL CENTRAL LIBRARY, TAIWAN, R.O.C